

2003 nr. 88 26. mars

Lög um Ábyrgðasjóð launa

Tóku gildi 10. apríl 2003, sjá þó 28. gr. *EES-samningurinn*: XVIII. viðauki tilskipun 80/987/EBE. *Breytt með* l. 129/2004 (tóku gildi 31. des. 2005), l. 131/2005 (tóku gildi 1. jan. 2006), l. 167/2006 (tóku gildi 1. jan. 2007), l. 88/2008 (tóku gildi 1. jan. 2009 nema brbákv. VII sem tók gildi 21. júní 2008), l. 131/2008 (tóku gildi 21. nóv. 2008), l. 70/2009 (tóku gildi 30. júní 2009 nema 1.-3. gr., 12.-26. gr. og brbákv. V og VI sem tóku gildi 1. júlí 2009, 4. gr. sem tók gildi 1. sept. 2009 og brbákv. IV sem tók gildi 16. júní 2009; komu til framkvæmda skv. fyrirmælum í 29. gr., sbr. og l. 97/2009 (tóku gildi 3. sept. 2009), l. 120/2009 (tóku gildi 1. jan. 2010), l. 162/2010 (tóku gildi 1. jan. 2011), l. 126/2011 (tóku gildi 30. sept. 2011), l. 164/2011 (tóku gildi 30. des. 2011 nema 1.-2., 4.-5., 7., 15.-21., 24.-27., 29.-30. og 34.-39. gr. sem tóku gildi 1. jan. 2012; komu til framkvæmda skv. fyrirmælum í 40. gr.), l. 26/2013 (tóku gildi 26. mars 2013) og l. 139/2013 (tóku gildi 31. des. 2013 nema 1.-2., 9., 13.-14., 16.-17., 22. og 27.-29. gr. sem tóku gildi 1. jan. 2014; komu til framkvæmda skv. fyrirmælum í 30. gr.).

Ef í lögum þessum er getið um ráðherra eða ráðuneyti án þess að málfrasvið sé tilgreint sérstaklega eða til þess vísað, er átt við *félags- og húsnæðismálaráðherra* eða *velferðarráðuneyti* sem fer með lög þessi.

I. kaffli. Markmið og gildissvið.

■ 1. gr. *Markmið*.

□ Markmið laga þessara er að tryggja launamönnum og lífeyrissjóðum greiðslur vegna vangoldinna krafna þeirra við gjaldþrot vinnuveitanda eða þegar dánarbú hans er til opinberra skipta og erfingjar ábyrgjast ekki skuldbindingar.

■ 2. gr. *Ábyrgðasjóður launa*.

□ Starfrækja skal Ábyrgðasjóð launa sem ábyrgist greiðslu á kröfum um vangoldin laun, bætur vegna slita á ráðningsarsamningi, orlof, bætur vegna vinnuslysa og lífeyrissjóðjöld í bú vinnuveitanda sem hefur staðfestu og rekur starfsemi hér á landi. [Í þeim tilvikum sem vinnuveitandi hefur staðfestu í einu aðildarríki að samningnum um Evrópska efna-hagssvæðið, í Sviss eða í Færeyjum og hefur jafnframt við-varandi starfsemi hér á landi veita löginn ábyrgð á kröfum vegna þeirra launamanna sem að öllu leyti eða að jafnaði inna af hendi starfsskyldur sínar hér á landi. Við ákvörðun um ábyrgð sjóðsins skv. 2. másl. skal kanna hvort áður hafi verið teknar ákváðanir vegna sömu krafna launamanna í einhverju af framangreindum ríkjum.]¹⁾

□ Ábyrgð sjóðsins er háð því skilyrði að kröfur skv. 1. mgr. hafi verið viðurkenndar sem forgangskröfur skv. 112. gr. laga um gjaldþrotaskipti o.fl., nr. 21/1991, með fyrirvara um takmarkanir og frávik sem kveðið er á um í II.-IV. kafla laga þessara.

□ Fari um skipti á búi vinnuveitanda samkvæmt lögum annars ríkis gilda ákvæði laga þessara eftir því sem við á um meðferð krafna sem njóta ábyrgðar skv. 1. mgr.

¹⁾ L. 26/2013, 1. gr.

■ 3. gr. *Stjórnsýsla*.

□ [Ráðherra]¹⁾ fer með framkvæmd laga þessara.

□ Ábyrgðasjóður launa lýtur þriggja manna stjórn sem ráðherra skipar til fjögurra ára í senn samkvæmt tilnefningu Alþýðusambands Íslands og Samtaka atvinnulífsins og einn án tilnefningar og skal hann vera formaður stjórnar. Varamenn skulu skipaðir á sama hátt.

□ Um hlutverk stjórnar Ábyrgðasjóðs launa og fjármögnun sjóðsins fer að öðru leyti skv. VIII. kafla.

¹⁾ L. 126/2011, 376. gr.

II. kaffli. Ábyrgðartímabil og kröfur

■ 4. gr. *Ábyrgðartímabil*.

□ Ábyrgð sjóðsins tekur til krafna sem taldar eru upp í 5. gr. og fallið hafa í gjalddaga á síðustu 18 mánuðum fyrir úrskurðardag eða réttur hefur unnist til á því tímabili. Þó er

heimilt að miða ábyrgðartímabil við frestdag ef sú niðurstaða er hagstæðari fyrir kröfuhafa.

□ Í sérstökum undantekningartilvikum er sjóðnum heimilt að ábyrgjast kröfur sem gjaldfallið hafa utan ábyrgðartímabil 1. mgr., að því tilskildu að eðlilega hafi verið staðið að innheimtu þeirra. Beiting þessarar heimildar skal þó ekki hafa í för með sér að ábyrgðartímabil verði lengra en 18 mánuðir.

■ 5. gr. *Kröfur sem njóta ábyrgðar sjóðsins*.

□ Ábyrgð sjóðsins tekur til eftirfarandi krafna í bú vinnuveitanda:

a. Kröfu launamanns um vinnulaun fyrir síðstu þrjá starfsmánuði hans í þjónustu vinnuveitanda.

b. Kröfu um bætur vegna launamissis í allt að þrjá mánuði vegna slita á ráðningarsamningi að því tilskildu að kröfuhafi sýni fram á með ótvíræðum hætti, svo sem með skráningu hjá opinberri vinnumiðlun, að hann hafi verið á vinnumarkaði og ástundað virka atvinnuleit í uppsagnarfresti.

c. Kröfu um orlofslaun sem réttur hefur unnist til á ábyrgðartímabili, sbr. 4. gr.

d. Kröfu lífeyrissjóðs um lífeyrissjóðjöld sem fallið hafa í gjalddaga á ábyrgðartímabili, sbr. 4. gr. Ábyrgðin takmarkast við [12%]¹⁾ lágmarksjóðgjald og allt að 4% af iðgjaldsstofni samkvæmt samningi um viðbótartryggingavernd, sbr. 2. og 9. gr. laga um skyldutryggingu lífeyrissréttinda og starfsemi lífeyrissjóða, nr. 129/1997, og ákvæði í kjarasamningum. Ráðherra skal í reglugerð kveða nánar á um skilyrði fyrir ábyrgð sjóðsins á iðgjöldum, þar á meðal um eftirlit með skilum og innheimtu þeirra.

e. Kröfu launamanns um bætur vegna tjóns af völdum vinnuslyss og kröfu þess sem tilkall á til bóta vegna dauðsfalls launamanns, enda taki tryggingar vinnuveitanda ekki til bótakröfunnar.

¹⁾ L. 167/2006, 14. gr.

■ 6. gr. *Hámark ábyrgðar*.

□ Hámarksábyrgð á kröfum launamanna skv. a- og b-lið 5. gr. skal vera 250.000 kr. miðað við hvern mánuð. Hámarksábyrgð á kröfum skv. c-lið 5. gr. skal vera 400.000 kr. Fjárhæðir þessar skulu endurskoðaðar árlega með reglugerð¹⁾ sem ráðherra setur að fengnum tillögum stjórnar Ábyrgðasjóðs launa.

□ Greiðslur vinnuveitanda upp í kröfur skv. 5. gr. sem hann innir af hendi fyrir uppkvaðingu úrskurðar um gjaldþrotaskipti skulu koma til frádráttar hámarksábyrgð sjóðsins eða þeirri fjárhæð sem nýtur ábyrgðar sé hún lægri. Með sama hætti skulu atvinnuleysisbætur og atvinnutekjur í uppsagnarfresti koma til frádráttar kröfum skv. b-lið 5. gr. Skal greiðsla sjóðsins til launamanns nema þeirri fjárhæð sem eftir stendur.

□ Við afgreiðslu sjóðsins á kröfum skv. a- og b-lið 5. gr. skal hver mánuður gerður upp sérstaklega samkvæmt hámarksfjárhæð sem kveðið er á um í 1. mgr. Nái krafa launamanns yfir skemra tímabil en einn mánuð skal hámarksábyrgð reiknuð í hlutfalli við það tímabil.

¹⁾ Rg. 1208/2008.

■ 7. gr. *Ábyrgð án gjaldþrotaskipta*.

□ Sjóðstjórn er heimilt, þegar sérstaklega stendur á, að ábyrgjast kröfur skv. 5. gr. án undangenginna gjaldþrotaskipta á búi vinnuveitanda, enda liggi fyrir að vinnuveitandi hafi sannanlega hætt rekstri og tilraunir kröfuhafa til að koma fram gjaldþrotaskiptum á búi hans hafi ekki borið árangur

eða kostnaður af að koma fram gjaldþrofni yrði að mati sjóðstjórnar óeðlilega mikill.

III. kafli. Vextir og kostnaður.

■ 8. gr. Vextir.

- [Kröfur skv. a–d-lið 5. gr. skulu bera vexti skv. 4. gr. laga nr. 38/2001, um vexti og verðtryggingu, frá gjalddaga þeirra til þess dags er Ábyrgðasjóður launa greiðir kröfuna.]¹⁾
- Um vexti á bótakröfur skv. e-lið 5. gr. fer samkvæmt þeim reglum sem almennt gilda um þær kröfur.

¹⁾ L. 120/2009, 14. gr. Ákvæðið á við um kröfur sem hafa fallið í gjalddaga 1. júlí 2009 eða síðar, sbr. 22. gr. s.l.

■ 9. gr. Kostnaður og skiptatrygging.

- Njóti krafa ábyrgðar skv. 5. gr. á kröfuhafi rétt á greiðslu eðlilegs kostnaðar vegna innheimtu hennar, þ.m.t. dæmdu málskostnaðar.
- Auk kostnaðar skv. 1. mgr. ber sjóðurinn ábyrgð á greiðslu skiptatryggingar sem launamaður eða lífeyrissjóður hefur greitt.
- Stjórn Ábyrgðasjóðs launa skal setja reglur¹⁾ sem ráðherra staðfestir um hámark á greiðslu kostnaðar og önnur skilyrði fyrir ábyrgð sjóðsins á kröfum skv. 1. og 2. mgr.

¹⁾ Rgl. 644/2003.

IV. kafli. Undanþágur frá ábyrgð.

■ 10. gr. Undanþágur.

- Kröfur framkvæmdastjóra og stjórnarmanna hins gjaldþrofna fyrirtækis njóta ekki ábyrgðar samkvæmt lögum þessum. Sama gildir um kröfur launamanns sem var eigandi, einn eða ásamt maka sínum eða öðrum nákomnum, að verulegum hlut í hinu gjaldþrofna fyrirtæki og hafði umtalsverð áhrif á rekstur þess.
- Ábyrgðasjóði launa er heimilt að hafna kröfum maka þeirra einstaklinga sem taldir eru upp í 1. mgr., annarra skyldmenna eða þeirra sem nákomnir eru þeim að öðru leyti ef sýnt er fram á að kröfur þeirra séu óréttmætar með tilliti til framangreindra tengsla.

- Heimilt er að lækka greiðslu úr sjóðnum miðað við gerða kröfu ef krafan telst óeðlilega há miðað við það starf sem kröfuhafi gegndi, starfstíma hans og þau launakjör sem tilkast í viðkomandi starfsgrein eða eftir atvikum í hinu gjaldþrofna fyrirtæki.

- Ákvæði 1.–3. mgr. taka ekki til bótakrafna skv. e-lið 5. gr.

■ 11. gr. Upplýsingar.

- Kröfuhafi skal greina frá því í kröfugerð sinni til sjóðsins hvort þau atvik sem greinir í 10. gr. hafi átt við um hann á þeim tíma sem krafa hans á hendur vinnuveitanda stofnaðist.

V. kafli. Kröfugerð og umsögn skiptastjóra.

■ 12. gr. Frestur til að gera kröfu.

- Krafa á hendur Ábyrgðasjóði launa verður því aðeins tekinn til greina að hún berist sjóðnum innan sex mánaða frá þeirri birtingu innköllunar í bú vinnuveitanda í Lögbirtingablaði er ræður lokum kröfulegningarfresta í búið. Stjórn sjóðsins er þó heimilt að taka til greina kröfu er berst innan tólf mánaða frá birtingu innköllunar ef sýnt er að kröfuna hafi ekki verið hægt að gera fyrr.

- Kveðið skal á um form og efni kröfu til Ábyrgðasjóðs launa í reglugerð.

■ 13. gr. Umsögn skiptastjóra.

- Skiptastjóri í búi vinnuveitanda skal svo fljótt sem auðið er láta Ábyrgðasjóði launa í té skriflega umsögn um hverja þá kröfu í búið sem til álita kemur að njóti ábyrgðar sjóðsins samkvæmt lögum þessum. Umsögn skiptastjóra skal fela

í sér afstöðu hans til réttmætis kröfus og forgangsréttar hennar án tillits til eignastöðu búsins.

- Hafi skiptafundur ekki verið haldinn í búi vinnuveitanda til þess að taka afstöðu til lýstra kræfna, en skiptastjóri lýsir því yfir að hann hafi viðurkennt forgangsrétt greiðslukröfunnar að einhverju leyti eða öllu, er Ábyrgðasjóði launa heimilt að fara með greiðslukröfum eins og fullnægt væri skilyrðum 1. mgr. Hafi krafa verið greidd úr sjóðnum á grundvelli slíkrar yfirlýsingar, en síðar kemur fram að hafnað er viðurkenningu forgangsréttar kröfunnar í búið, verður sú fjárhæð sem ofgreidd hefur verið af þessum sökum ekki endurkrafin.

- Ábyrgðasjóður launa getur óskað eftir frekari skýringum skiptastjóra á umsögn hans ef nauðsyn krefur.

- Kveðið skal á um form og efni umsagnar skiptastjóra í reglugerð.

VI. kafli. Stjórnsýsla.

■ 14. gr. Ákvörðun um greiðslu.

- Ábyrgðasjóður launa skal að jafnaði taka afstöðu til framkominnar kröfum innan fjögurra vikna frá því að umsögn skiptastjóra skv. 13. gr. berst sjóðnum. Ef ekki er unnt að taka afstöðu til kröfum innan frests, svo sem vegna frekari gagnaflunar, skal tilkynna það kröfuhafa eða umboðsmanni hans og gefa honum kost á að koma sjónarmiðum sínum á framfæri við sjóðinn og leggja fram frekari gögn. Sjóðurinn getur óskað eftir skýringum kröfuhafa um einstaka þætti kröfus hans ef nauðsyn krefur.

- Komi fram í umsögn skiptastjóra að ágreiningur sé um réttmæti kröfus hefst frestur skv. 1. mgr. þann dag sem sjóðnum berst tilkynning um lyktir ágreiningsins.

■ 15. gr. Tilkynningar.

- Ábyrgðasjóður launa skal með sannanlegum hætti tilkynna þeim er kröfu gerir og skiptastjóra í búi vinnuveitanda tilkynningu skal sundurliða þá fjárhæð sem ábyrgðar nýtur skv. II. og III. kafla.

- Áður en greiðsla á kröfum verður innt af hendi úr Ábyrgðasjóði launa skal staðreynta hvort greiðsla hafi fengist á henni að einhverju eða öllu leyti úr búi vinnuveitanda og skulu þær greiðslur dragast að fullu frá greiðslu úr sjóðnum eftir þeim reglum sem kveðið er á um í 6. gr.

■ 16. gr. [Keruheimild.

- Heimilt er að kæra ákvæðanir Ábyrgðasjóðs launa sem teknar eru á grundvelli laga þessara til [ráðuneytisins].¹⁾

- Kæra skal berast ráðuneytinu skriflega innan tveggja mánaða frá því að aðila málars var tilkynnt um ákvörðun. Kæra telst nægilega snemma fram komin ef bréf sem hefur hana að geyma hefur borist ráðuneytinu eða verið afhent pósti áður en fresturinn er liðinn.

- [Ráðuneytið]¹⁾ skal leitast við að kveða upp úrskurð innan tveggja mánaða frá því að ráðuneytinu berst mál til úrskurðar.

- Að öðru leyti fer um málsmeðferð samkvæmt ákvæðum stjórnsýslulaga.

- Ákvæði þetta skerðir ekki rétt aðila til að höfða mál fyrir dómkólum.²⁾

¹⁾ L. 162/2010, 29. gr. ²⁾ L. 131/2005, 1. gr.

■ 17. gr. Innlausn kröfus og fyrirsvar.

- Frá því að skiptastjóra berst tilkynning Ábyrgðasjóðs launa skv. 15. gr. fer sjóðurinn með fyrirsvar fyrir kröfunni gagnvart búi vinnuveitanda að því leyti sem hann leysir kröfuna til sín. Nýtur krafa sjóðsins sömu stöðu í skuldaröð í búinu og hún hefði ella notið.

□ Sá sem gerir kröfu á hendor Ábyrgðasjóði launa á grundvelli laga þessara má ekki aðhafast neitt það sem rýrt gæti endurkröfurétt sjóðsins á hendor búi vinnuveitanda. Er honum óheimilt að samþykka, án sérstaks leyfis stjórnar sjóðsins, að kröfur fái komist að við gjaldprotaskipti sem ekki hefur verið lýst fyrir lok kröfuleysingarfrests. Brjóti kröfuhafi eða umboðsmaður hans gegn þessu ákvæði hefur það í för með sér að ábyrgð samkvæmt lögum þessum fellur niður.

■ 18. gr. Staðgreiðsla opinberra gjalda.

□ Ábyrgðasjóði launa ber að reikna staðgreiðslu launamanns á kröfur sem samþykktar hafa verið samkvæmt lögum þessum og skila til innheimtaðila í samræmi við ákvæði laga um staðgreiðslu opinberra gjalda.

VII. kaffli. Orlof vegna greiðsluerfiðleika.

■ 19. gr. Almenn skilyrði.

□ Standi vinnuveitandi ekki í skilum með greiðslu orlofs-launa skv. 7. eða 8. gr. laga um orlof, nr. 30/1987, án þess þó að bú hans hafi verið tekið til gjaldprotaskipta, getur launamaður eða hlutaðeigandi stéttarfélag í umboði hans snúið sér til Ábyrgðasjóðs launa með orlofslaunakröfuna. Krafa skal studd fullnægjandi gögnum um fjárhæð hennar, svo sem launaseðlum og vottorði viðkomandi vinnuveitanda eða lög-gilts endurskoðanda hans.

■ 20. gr. Áskorun til vinnuveitanda og innlausn.

□ Ef krafa launamanns uppfyllir skilyrði 19. gr. skal Ábyrgðasjóður launa þegar í stað skora á vinnuveitanda að greiða kröfuna eigi síðar en þremur vikum frá dagsetningu áskorunar.

□ Komi fram andmæli af hálfu vinnuveitanda sem sjóðurinn telur réttmæt, svo sem um að krafan hafi þegar verið greidd eða hún niður fallin af öðrum ástæðum, skal sjóðurinn vísa kröfunni frá. Kröfu launamanns skal einnig vísað frá ef fram er komin beiðni um gjaldprotaskipti á búi vinnuveitanda.

□ Standi ákvæði 2. mgr. ekki í vegi fyrir því að greiða megi kröfu launamannsins skal Ábyrgðasjóður launa inn-leysa kröfuna eigi síðar en fimm vikum frá dagsetningu áskorunar, sbr. 1. mgr. Um ábyrgð sjóðsins fer að öðru leyti samkvæmt ákvæðum c-liðar 5. gr., 6. gr. og IV. kafla, eftir því sem við á.

■ 21. gr. Aðfararhæfi og innheimta.

□ Krafa Ábyrgðasjóðs launa vegna innleystrar orlofslauna-kröfu er aðfararhæf gagnvart vinnuveitanda. Þá skal innleyst krafa njóta sömu stöðu gagnvart þrotabúi vinnuveitanda og krafa launamanns hefði ella notið.

□ Á kröfu sem innleyst hefur verið samkvæmt reglum þessum reiknast dráttarvextir samkvæmt lögum um vexti og verðtryggingu, fyrst 15 dögum eftir innlausn.

□ Um málsmæðferð fer að öðru leyti skv. VI. kafla, eftir því sem við á.

VIII. kaffli. Hlutverk stjórnar, dagleg umsýsla og fjármöggnun.

■ 22. gr. Hlutverk stjórnar Ábyrgðasjóðs launa.

□ Varsla Ábyrgðasjóðs launa, dagleg umsýsla og reiknings-hald eru á Ábyrgð stjórnar sjóðsins í umboði [ráðherra],¹⁾ sbr. 1. mgr. 3. gr.

□ Auk þeirra verkefna sem lúta að stjórnsýslulegri meðferð þeirra málá sem berast sjóðnum skal stjórn Ábyrgðasjóðs launa annast fyrirsvar fyrir sjóðinn og sinna öðrum þeim verkefnum sem lúta að framkvæmd laga þessara.

□ Stjórn sjóðsins skal fyrir lok september ár hvert gera ráðherra grein fyrir fjárhagsstöðu sjóðsins og áætlun um þróun

útgjalda. Jafnframt skal stjórnin fyrir sama tíma gera tillögu til ráðherra um hámarksfjárhædir skv. 1. mgr. 6. gr.

¹⁾ L. 162/2010, 29. gr.

■ 23. gr. Fjármöggnun.

□ Ábyrgðasjóður launa skal fjármagnaður með sérstökum ábyrgðargjaldi af greiddum vinnulaunum, þóknun og reiknu-udu endurgjaldi, hvaða nafni sem nefnist, sem skattskyldt er. Ákvæði laga um tryggingagjald eiga við um gjald-stofn, gjaldskyldu, greiðslutímabil, álagningu og innheimtu ábyrgðargjalds.

□ Ábyrgðargjaldið skal vera [0,05%]¹⁾ af gjaldstofni.

□ Skorti sjóðinn reiðufé til að standa við skuldbindingar sínar samkvæmt lögum þessum skal stjórn sjóðsins þegar til-kynna það ráðherra. Ríkissjóður skal þá leggja sjóðnum til þá fjármuni sem til þarf og skoðast það sem lántaka.

□ Ábyrgðargjald telst rekstrarkostnaður skv. 1. tölul. 31. gr. [laga nr. 90/2003, um tekjuskatt],²⁾ að því leyti sem það er ákvárdæð af launum sem teljast rekstrarkostnaður samkvæmt sömu grein.

□ Kostnaður af rekstri Ábyrgðasjóðs launa greiðist af tek-jum hans.

□ Ársreikningur sjóðsins skal endurskoðaður af Ríkisendur-skoðun.

¹⁾ L. 139/2013, 16. gr. ²⁾ L. 129/2004, 147. gr.

IX. kaffli. Ýmis ákvæði.

■ 24. gr. Framsal.

□ Hafi launamaður framselt launakröfu sína á hendur vinnuveitanda áður en bú vinnuveitanda var tekið til gjaldprotaskipta nýtt krafan ekki ábyrgðar samkvæmt lögum þessum. Þetta á þó ekki við ef krafan hefur verið framseld stéttarfélagi launamannsins, né heldur ef krafan hefur að fullu eða að hluta verið framseld Atvinnuleysistryggingasjóði.

□ Ákvæði 1. mgr. gildir einnig í þeim tilvikum sem kveðið er á um í 7. gr. og VII. kaffla.

■ 25. gr. Upplýsingar.

□ Stjórnvöldum, vinnuveitendum og öðrum hlutaðeigandi aðilum er skyldt að láta Ábyrgðasjóði launa í té upplýsingar sem nauðsynlegar eru vegna afgreiðslu sjóðsins á einstökum kröfum.

□ [Ábyrgðasjóður launa skal gefa lögmætri stofnun sem ábyrgist greiðslur á kröfum launamanna í bú vinnuveitanda í öðru aðildarríki að samningnum um Evrópska efnahagssvæðið, í Sviss eða í Færeyjum allar nauðsynlegar upplýsingar sem sjóðurinn kann að hafa vegna krafna hlutaðeigandi launamanna í bú vinnuveitanda.]¹⁾

¹⁾ L. 26/2013, 2. gr.

■ 26. gr. Endurkrafa.

□ Hafi greiðslu verið aflað úr Ábyrgðasjóði launa með því að gefa rangar upplýsingar eða leyna atriðum sem leitt hefðu til synjunar eða lækkunar á greiðslu úr sjóðnum samkvæmt lögum þessum ber þeim er greiðsluna fékk að endurgreiða þá fjárhæð sem hann hefur ranglega fengið.

□ Krafa um endurgreiðslu skv. 1. mgr. fellur úr gildi fyrir fyringu þegar tvö ár eru liðin frá því að greiðsla átti sér stað.

□ Telji stjórn Ábyrgðasjóðs launa að greiðslu hafi verið aflað eða reynt hafi verið að afla greiðslu úr sjóðnum með sak-nænum hætti skal málínu vísað til [rannsóknar lögreglu].¹⁾

¹⁾ L. 88/2008, 234. gr.

X. kafli. Reglugerðarheimild og gildistaka.

■ 27. gr. Reglugerðarheimild.

- [Ráðherra]¹⁾ skal að fengnum tillögum stjórnar Ábyrgðasjóðs launa setja í reglugerð²⁾ nánari fyrirmæli um framkvæmd laga þessara.

¹⁾ L. 162/2010, 29. gr. ²⁾ Rg. 339/1990. Rg. 462/2003.

■ 28. gr. Gildistaka og lagaskil.

- Lög þessi, sem sett eru með hliðsjón af tilskipun ráðsins frá 20. október 1980 nr. 80/987/EBE um samræmingu á lögum aðildarríkjanna um vernd til handa launþegum verði vinnuveitandi gjaldþrota, öðlast þegar gildi. . . .

Kröfur í bú vinnuveitanda sem úrskurðuð eru gjaldþrota fyrir gildistökum þessara laga njóta ábyrgðar samkvæmt lögum um ábyrgðasjóð launa vegna gjaldþrota, nr. 53/1993. Ákvæði 10. gr. laga þessara taka þó strax gildi vegna krafna í bú vinnuveitanda sem úrskurðuð eru gjaldþrota fyrir gildistökum þessara laga leiði þau til hagstæðari niðurstöðu fyrir kröfuhafa.

Ákvæði d-liðar 5. gr. tekur gildi 1. janúar 2004 varðandi ábyrgð á iðgjöldum samkvæmt samningum um viðbótartryggingavernd og ákvæðum kjarasamninga sem falla í gjalddaga eftir gildistökum laga þessara, sbr. 1. mgr., enda hafi bú vinnuveitanda verið úrskurðað gjaldþrota eftir 1. janúar 2004.

Ákvæði 1. mgr. 6. gr. um hámarksábyrgð á kröfum launamanna skv. a- og b-lið 5. gr. öðlast gildi 1. apríl 2003 vegna krafna sem gjaldfalla eftir það tímamark. Fram til þess dags gildir 2. mgr. 5. gr. laga nr. 53/1993.

Ákvæði 1. mgr. 6. gr. um hámark ábyrgðar vegna krafna skv. c-lið 5. gr. öðlast þegar gildi gagnvart kröfum sem stofnast hafa en hafa ekki náð hámarki ábyrgðar fyrir gildistökum laganna. Kröfur umfram hámarksábyrgð skulu ekki skerðast að því leyti sem þær stofnast fyrir gildistökum laganna.

[Ákvæði til bráðabirgða.]

- I. Prátt fyrir a-lið 5. gr. skal taka mið af vinnulaunum launamanns fyrir síðustu þrjá starfsmánuði hans í þjónustu vinnuveitanda áður en starfshlutfall launamanns var minnkad að vegna samdráttar í starfsemi vinnuveitanda vegna sérstakra aðstæðna á vinnumarkaði enda hafi héraðsdómara borist krafa um gjaldþrotaskipti á búi vinnuveitanda innan tólf mánaða frá því að starfshlutfall launamanns var minnkad. Skilyrði er að launamaður hafi verið samfellt í a.m.k. sex mánuði í sama starfshlutfalli hjá hinum gjaldþrota vinnuveitanda áður en kom til skerðingar á starfshlutfalli hans vegna samdráttar í starfsemi vinnuveitanda. Að öðru leyti gildir a-liður 5. gr.

■ Prátt fyrir b-lið 5. gr. skal við útreikning bóta vegna launamissis í allt að þrjá mánuði vegna slíta á ráðningarsamningi taka mið af vinnulaunum launamanns skv. 1. mgr. enda hafi héraðsdómara borist krafa um gjaldþrotaskipti á búi vinnuveitanda innan tólf mánaða frá því að starfshlutfall launamanns var minnkad. Skilyrði er að launamaður hafi verið samfellt í a.m.k. sex mánuði í sama starfshlutfalli hjá hinum gjaldþrota vinnuveitanda áður en kom til minnkunar á starfshlutfalli hans vegna samdráttar í starfsemi vinnuveitanda. Að öðru leyti gildir b-liður 5. gr.

■ Ákvæði þetta gildir um kröfur launamanna sem minnka starfshlutfall sitt á tímabilinu 1. október 2008 til og með 31. desember 2009 að kröfu vinnuveitanda vegna samdráttar í starfsemi vinnuveitanda sem rekja má til sérstakra aðstæðna á vinnumarkaði.¹⁾

¹⁾ L. 131/2008, 2. gr.

■ [III. . . .¹⁾]²⁾

¹⁾ L. 139/2013, 17. gr. ²⁾ L. 164/2011, 3. gr.